



UNIVERSITÄTS-
BIBLIOTHEK
PADERBORN

**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

Ixii [i.e. vi]. Conclusio formalis attingit formaliter objectum præmissarum.

[urn:nbn:de:hbz:466:1-71607](https://nbn-resolving.org/urn:nbn:de:hbz:466:1-71607)

VI. Conclusio formalis (secus est de conclusione materiali, utpote quæ per varias præmissas inferri poterat) attingit formaliter obiectum præmissarum formaliter idem, sive præterquam quòd attingat identitatem suorum extremorù inter se, attingit quoq; identitatem singulorum illorum extremorum cum medio; illa enim est natura potentiarum intentionalium, intellectus nimirum & voluntatis, ut eodem indivisibili actu ferantur in obiectum suum materiale & formale seu motivum; moveri enim hæ potentia non possunt à motivis, nisi quando illa attingunt: sicuti igitur non sufficit, bonitatem finis per actum antecedentem intellectus fuisse propositum, per què alium actum voluntatis antecedentem fuisse intentum, nisi per eundem actum, quo propter bonitatem finis eligitur hoc medium, ipsa bonitas finis iterum ametur; sic non sufficit, intellectum sibi ipsi antecederet propositum fuisse identitatem utriusquè extremi conclusionis cum medio, & illi assensum fuisse, nisi intellectus de novo in conclusione, & per eundem actum conclusionis assentiatur eidem identitati extremorum cum medio: sic

E

igitur

igitur requiritur, ut præmissis, quibus ante assensus sum propter se, sive tanquam obiecto *quod*, assentiar iterum actu conclusionis, saltem ut obiecto *quo*, & propter illas alteri. Etsi autem conclusio præstet intellectui quod præmissæ, adhuc tamen opus est præmissis, cum intellectus ob suam limitationem debeat paulatim procedere, & prius connexionem extremorum seorsim in præmissis attingere, ut dein expeditius propter illam possit assentiri conclusioni, præsertim in rebus obscuris. Nequæ ex dictis sequitur medium ingredi conclusionem ut obiectum illatum, seu ut *quod*, quod vetat regula, sed tantum ut motivum; seu ut obiectum propter quod.

VII. Conclusio sequitur partem debiliorem, estq; falsa, particularis, tantum probabilis, negativa, quando una præmissarum est talis; talis enim est connexio extremorum conclusionis formaliter talis inter se, qualis est connexio eorundem extremorum cum medio, sed quando una tantum præmissarum est falsa, negativa, probabilis, tota connexio extremorum cum medio dicitur esse falsa, probabilis; bonum enim ex integra causa,